

gustav / February 08, 2013 09:45PM

[金光明最勝王經卷第五](#)

T16n0665\_p0422b22(00)|  
T16n0665\_p0422b23(00)|  
T16n0665\_p0422b24(00)| 金光明最勝王經卷第五  
T16n0665\_p0422b25(00)|  
T16n0665\_p0422b26(00)| 大唐三藏沙門義淨奉 制譯  
T16n0665\_p0422b27(00)| 蓮華喻讚品第七  
T16n0665\_p0422b28(00)| 爾時，佛告菩提樹神：「善女天！汝今應知，  
T16n0665\_p0422b29(01)| 妙幢夜夢見妙金鼓出大音聲，  
T16n0665\_p0422c01(06)| 讚佛功德并懺悔法，此之因緣我為汝等廣說其事，  
T16n0665\_p0422c02(02)| 應當諦聽，善思念之。過去有王名金龍主，  
T16n0665\_p0422c03(02)| 常以蓮華喻讚稱歎十方三世諸佛。」  
T16n0665\_p0422c04(04)| 即為大眾說其讚曰：  
T16n0665\_p0422c05(00)| 「過去未來現在佛，安住十方世界中；  
T16n0665\_p0422c06(00)| 我今至誠稽首禮，一心讚歎諸最勝。  
T16n0665\_p0422c07(00)| 無上清淨牟尼尊，身光照耀如金色；  
T16n0665\_p0422c08(00)| 一切聲中最高上，如大梵響震雷音。  
T16n0665\_p0422c09(00)| 髮彩喻若黑蜂王，宛轉旋文紺青色；  
T16n0665\_p0422c10(00)| 齒白齊密如珂雪，平正顯現有光明。  
T16n0665\_p0422c11(00)| 目淨無垢妙端嚴，猶如廣大青蓮葉；  
T16n0665\_p0422c12(00)| 舌相廣長極柔軟，譬如紅蓮出水中。  
T16n0665\_p0422c13(00)| 眉間常有白毫光，右旋宛轉頗梨色；  
T16n0665\_p0422c14(00)| 眉細纖長類初月，其色晃耀比蜂王。  
T16n0665\_p0422c15(00)| 鼻高脩直如金鋌，淨妙光潤相無虧；  
T16n0665\_p0422c16(00)| 一切世間殊妙香，聞時悉知其所在。  
T16n0665\_p0422c17(00)| 世尊最勝身金色，一一毛端相不殊；  
T16n0665\_p0422c18(00)| 紺青柔軟右旋文，微妙光彩難為喻。  
T16n0665\_p0422c19(00)| 初誕生有妙光明，普照一切十方界；  
T16n0665\_p0422c20(00)| 能滅三有眾生苦，令彼悉蒙安隱樂。  
T16n0665\_p0422c21(00)| 地獄傍生鬼道中，阿蘇羅天及人趣；  
T16n0665\_p0422c22(00)| 令彼除滅於眾苦，常受自然安隱樂。  
T16n0665\_p0422c23(00)| 身色光明常普照，譬如鎔金妙無比；  
T16n0665\_p0422c24(00)| 面貌圓明如滿月，脣色赤好喻頻婆。  
T16n0665\_p0422c25(00)| 行步威儀類師子，身光朗耀同初日；  
T16n0665\_p0422c26(00)| 臂肘纖長立過膝，狀等垂下娑羅枝。  
T16n0665\_p0422c27(00)| 圓光一尋照無邊，赫奕猶如百千日；  
T16n0665\_p0422c28(00)| 悉能遍至諸佛刹，隨緣所在覺群迷。  
T16n0665\_p0422c29(00)| 淨光明網無倫比，流耀遍滿百千界；  
T16n0665\_p0423a01(00)| 普照十方無障礙，一切冥闇悉皆除。  
T16n0665\_p0423a02(00)| 善逝慈光能與樂，妙色映徹等金山；  
T16n0665\_p0423a03(00)| 流光悉至百千土，眾生遇者皆出離。  
T16n0665\_p0423a04(00)| 佛身成就無量福，一切功德共莊嚴；  
T16n0665\_p0423a05(00)| 超過三界獨稱尊，世間殊勝無與等。  
T16n0665\_p0423a06(00)| 所有過去一切佛，數同大地諸微塵；  
T16n0665\_p0423a07(00)| 未來現在十方尊，亦如大地微塵眾。  
T16n0665\_p0423a08(00)| 我以至誠身語意，稽首歸依三世佛；  
T16n0665\_p0423a09(00)| 讚歎無邊功德海，種種香花皆供養。  
T16n0665\_p0423a10(00)| 設我口中有千舌，經無量劫讚如來；  
T16n0665\_p0423a11(00)| 世尊功德不思議，最勝甚深難可說。  
T16n0665\_p0423a12(00)| 假令我舌有百千，讚歎一佛一功德；  
T16n0665\_p0423a13(00)| 於中少分尚難知，況諸佛德無邊際。  
T16n0665\_p0423a14(00)| 假使大地及諸天，乃至有頂為海水；  
T16n0665\_p0423a15(00)| 可以毛端滴知數，佛一功德甚難量。  
T16n0665\_p0423a16(00)| 我以至誠身語意，禮讚諸佛德無邊；

T16n0665\_p0423a17(00) 所有勝福果難思，迴施眾生速成佛。  
T16n0665\_p0423a18(00) 彼王讚歎如來已，倍復深心發弘願；  
T16n0665\_p0423a19(00) 願我當於未來世，生在無量無數劫。  
T16n0665\_p0423a20(00) 夢中常見大金鼓，得聞顯說懺悔音；  
T16n0665\_p0423a21(00) 讚佛功德喻蓮華，願證無生成正覺。  
T16n0665\_p0423a22(00) 諸佛出世時一現，於百千劫甚難逢；  
T16n0665\_p0423a23(00) 夜夢常聞妙鼓音，晝則隨應而懺悔。  
T16n0665\_p0423a24(00) 我當圓滿修六度，拔濟眾生出苦海；  
T16n0665\_p0423a25(00) 然後得成無上覺，佛土清淨不思議。  
T16n0665\_p0423a26(00) 以妙金鼓奉如來，并讚諸佛實功德；  
T16n0665\_p0423a27(00) 因斯當見釋迦佛，記我當紹人中尊。  
T16n0665\_p0423a28(00) 金龍金光是我子，過去曾為善知識；  
T16n0665\_p0423a29(00) 世世願生於我家，共授無上菩提記。  
T16n0665\_p0423b01(00) 若有眾生無救護，長夜輪迴受眾苦；  
T16n0665\_p0423b02(00) 我於來世作歸依，令彼常得安隱樂。  
T16n0665\_p0423b03(00) 三有眾苦願除滅，悉得隨心安樂處；  
T16n0665\_p0423b04(00) 於未來世修菩提，皆如過去成佛者。  
T16n0665\_p0423b05(00) 願此金光懺悔福，永竭苦海罪消除；  
T16n0665\_p0423b06(00) 業障煩惱悉皆亡，令我速招清淨果。  
T16n0665\_p0423b07(00) 福智大海量無邊，清淨離垢深無底；  
T16n0665\_p0423b08(00) 願我獲斯功德海，速成無上大菩提。  
T16n0665\_p0423b09(00) 以此金光懺悔力，當獲福德淨光明；  
T16n0665\_p0423b10(00) 既得清淨妙光明，常以智光照一切。  
T16n0665\_p0423b11(00) 願我身光等諸佛，福德智慧亦復然；  
T16n0665\_p0423b12(00) 一切世界獨稱尊，威力自在無倫匹。  
T16n0665\_p0423b13(00) 有漏苦海願超越，無為樂海願常遊；  
T16n0665\_p0423b14(00) 現在福海願恒盈，當來智海願圓滿。  
T16n0665\_p0423b15(00) 願我剎土超三界，殊勝功德量無邊；  
T16n0665\_p0423b16(00) 諸有緣者悉同生，皆得速成清淨智。  
T16n0665\_p0423b17(00) 妙幢汝當知，國王金龍主；  
T16n0665\_p0423b18(00) 曾發如是願，彼即是汝身。  
T16n0665\_p0423b19(00) 往時有二子，金龍及金光；  
T16n0665\_p0423b20(00) 即銀相銀光，當授我所記。」  
T16n0665\_p0423b21(00) 大眾聞是說，皆發菩提心；  
T16n0665\_p0423b22(00) 願現在未來，常依此懺悔。  
T16n0665\_p0423b23(00) 金光明最勝王經金勝陀羅尼品第八  
T16n0665\_p0423b24(00) 爾時，世尊復於眾中告善住菩薩摩訶薩：  
T16n0665\_p0423b25(02) 「善男子！有陀羅尼名曰金勝，若有善男子、  
T16n0665\_p0423b26(01) 善女人，欲求親見過去、未來、現在諸佛，  
T16n0665\_p0423b27(03) 恭敬供養者，應當受持此陀羅尼。  
T16n0665\_p0423b28(07) 何以故？此陀羅尼乃是過、現、未來諸佛之母。  
T16n0665\_p0423b29(06) 是故當知持此陀羅尼者，具大福德，  
T16n0665\_p0423c01(08) 已於過去無量佛所殖諸善本，今得受持，  
T16n0665\_p0423c02(07) 於戒清淨不毀不缺，無有障礙，決定能入甚深法門。」  
T16n0665\_p0423c03(03) 世尊即為說持咒法，先稱諸佛及菩薩名，  
T16n0665\_p0423c04(03) 至心禮敬，然後誦咒。  
T16n0665\_p0423c05(00) 「南無十方一切諸佛。  
T16n0665\_p0423c06(08) 南無諸大菩薩摩訶薩。南謨聲聞緣覺一切賢聖。  
T16n0665\_p0423c07(00) 「南謨釋迦牟尼佛。南謨東方不動佛。  
T16n0665\_p0423c08(04) 南謨南方寶幢佛。南謨西方阿彌陀佛。  
T16n0665\_p0423c09(06) 南謨北方天鼓音王佛。南謨上方廣眾德佛。  
T16n0665\_p0423c10(06) 南謨下方明德佛。南謨寶藏佛。南謨普光佛。南謨普明佛。  
T16n0665\_p0423c11(01) 南謨香積王佛。南謨蓮花勝佛。南謨平等見佛。  
T16n0665\_p0423c12(00) 南謨寶髻佛。南謨寶上佛。南謨寶光佛。  
T16n0665\_p0423c13(02) 南謨無垢光明佛。南謨辯才莊嚴思惟佛。

T16n0665\_p0423c14(03) 南謨淨月光稱相王佛。南謨華嚴光佛。  
T16n0665\_p0423c15(05) 南謨光明王佛。南謨善光無垢稱王佛。  
T16n0665\_p0423c16(07) 南謨觀察無畏自在王佛。南謨無畏名稱佛。南謨最勝王佛。  
T16n0665\_p0423c17(00) 南謨觀自在菩薩摩訶薩。  
T16n0665\_p0423c18(07) 南謨地藏菩薩摩訶薩。南謨虛空藏菩薩摩訶薩。  
T16n0665\_p0423c19(05) 南謨妙吉祥菩薩摩訶薩。南謨金剛手菩薩摩訶薩。  
T16n0665\_p0423c20(02) 南謨普賢菩薩摩訶薩。南謨無盡意菩薩摩訶薩。  
T16n0665\_p0423c21(00) 南謨大勢至菩薩摩訶薩。  
T16n0665\_p0423c22(07) 南謨慈氏菩薩摩訶薩。南謨善慧菩薩摩訶薩。  
T16n0665\_p0423c23(00) 「陀羅尼曰：  
T16n0665\_p0423c24(00) 「南謨喝[口\*賴]怛娜怛唎夜也 怛姪他 君  
T16n0665\_p0423c25(00) 睇 君睇 矩折[口\*麗] 矩折[口\*麗] 壹室哩  
T16n0665\_p0423c26(00) 蜜室哩 莎訶」  
T16n0665\_p0423c27(00) 佛告善住菩薩：「此陀羅尼，是三世佛母，  
T16n0665\_p0423c28(01) 若有善男子、善女人持此咒者，  
T16n0665\_p0423c29(05) 能生無量無邊福德之聚，即是供養恭敬、  
T16n0665\_p0424a01(05) 尊重讚歎無數諸佛，  
T16n0665\_p0424a02(13) 如是諸佛皆與此人授阿耨多羅三藐三菩提記。善住！若有人能持此咒者，  
T16n0665\_p0424a03(00) 隨其所欲，衣食財寶、多聞聰慧、無病長壽，  
T16n0665\_p0424a04(01) 獲福甚多，隨所願求，無不遂意。善住！  
T16n0665\_p0424a05(01) 持是咒者，乃至未證無上菩提，  
T16n0665\_p0424a06(05) 常與金城山菩薩、慈氏菩薩、大海菩薩、觀自在菩薩、  
T16n0665\_p0424a07(02) 妙吉祥菩薩、大冰伽羅菩薩等而共居止，  
T16n0665\_p0424a08(02) 為諸菩薩之所攝護。善住當知！持此咒時，  
T16n0665\_p0424a09(02) 作如是法，先應誦持滿一萬八遍為前方便。  
T16n0665\_p0424a10(01) 次於閻室莊嚴道場，黑月一日清淨洗浴，  
T16n0665\_p0424a11(02) 著鮮潔衣，燒香散花，種種供養并諸飲食。  
T16n0665\_p0424a12(03) 入道場中，先當稱禮如前所說諸佛菩薩，  
T16n0665\_p0424a13(03) 至心殷重悔先罪已，右膝著地，  
T16n0665\_p0424a14(06) 可誦前咒滿一千八遍，端坐思惟，念其所願。日未出時，  
T16n0665\_p0424a15(01) 於道場中，食淨黑食，日唯一食，  
T16n0665\_p0424a16(05) 至十五日方出道場。能令此人福德威力不可思議，  
T16n0665\_p0424a17(01) 隨所願求無不圓滿，若不遂意，重入道場，  
T16n0665\_p0424a18(00) 既稱心已，常持莫忘。」  
T16n0665\_p0424a19(00) 金光明最勝王經重顯空性品第九  
T16n0665\_p0424a20(00) 爾時，世尊說此咒已，  
T16n0665\_p0424a21(08) 為欲利益菩薩摩訶薩人天大眾，  
T16n0665\_p0424a22(11) 令得悟解甚深真實第一義故，重明空性而說頌曰：  
T16n0665\_p0424a23(00) 「我已於餘甚深經，廣說真空微妙法；  
T16n0665\_p0424a24(00) 今復於此經王內，略說空法不思議。  
T16n0665\_p0424a25(00) 於諸廣大甚深法，有情無智不能解；  
T16n0665\_p0424a26(00) 故我於斯重敷演，令於空法得開悟。  
T16n0665\_p0424a27(00) 大悲哀愍有情故，以善方便勝因緣；  
T16n0665\_p0424a28(00) 我今於此大眾中，演說令彼明空義。  
T16n0665\_p0424a29(00) 當知此身如空聚，六賊依止不相知；  
T16n0665\_p0424b01(00) 六塵諸賊別依根，各不相知亦如是。  
T16n0665\_p0424b02(00) 眼根常觀於色處，耳根聽聲不斷絕，  
T16n0665\_p0424b03(00) 鼻根恒嗅於香境，舌根鎮嘗於美味，  
T16n0665\_p0424b04(00) 身根受於輕軟觸，意根了法不知厭，  
T16n0665\_p0424b05(00) 此等六根隨事起，各於自境生分別。  
T16n0665\_p0424b06(00) 識如幻化非真實，依止根處妄貪求；  
T16n0665\_p0424b07(00) 如人奔走空聚中，六識依根亦如是。  
T16n0665\_p0424b08(00) 心遍馳求隨處轉，託根緣境了諸事；  
T16n0665\_p0424b09(00) 常愛色聲香味觸，於法尋思無暫停。  
T16n0665\_p0424b10(00) 隨緣遍行於六根，如鳥飛空無障礙；

T16n0665\_p0424b11(00) 藉此諸根作依處，方能了別於外境。  
T16n0665\_p0424b12(00) 此身無知無作者，體不堅固託緣成；  
T16n0665\_p0424b13(00) 皆從虛妄分別生，譬如機關由業轉。  
T16n0665\_p0424b14(00) 地水火風共成身，隨彼因緣招異果；  
T16n0665\_p0424b15(00) 同在一處相違害，如四毒蛇居一篋。  
T16n0665\_p0424b16(00) 此四大蛇性各異，雖居一處有昇沈；  
T16n0665\_p0424b17(00) 或上或下遍於身，斯等終歸於滅法。  
T16n0665\_p0424b18(00) 於此四種毒蛇中，地水二蛇多沈下；  
T16n0665\_p0424b19(00) 風火二蛇性輕舉，由此乖違眾病生。  
T16n0665\_p0424b20(00) 心識依止於此身，造作種種善惡業；  
T16n0665\_p0424b21(00) 當往人天三惡趣，隨其業力受身形。  
T16n0665\_p0424b22(00) 遭諸疾病身死後，大小便利悉盈流；  
T16n0665\_p0424b23(00) 膿爛蟲蛆不可樂，棄在屍林如朽木。  
T16n0665\_p0424b24(00) 汝等當觀法如是，云何執有我眾生？  
T16n0665\_p0424b25(00) 一切諸法盡無常，悉從無明緣力起。  
T16n0665\_p0424b26(00) 彼諸大種咸虛妄，本非實有體無生；  
T16n0665\_p0424b27(00) 故說大種性皆空，知此浮虛非實有。  
T16n0665\_p0424b28(00) 無明自性本是無，藉眾緣力和合有；  
T16n0665\_p0424b29(00) 於一切時失正慧，故我說彼為無明。  
T16n0665\_p0424c01(00) 行識為緣有名色，六處及觸受隨生；  
T16n0665\_p0424c02(00) 愛取有緣生老死，憂悲苦惱恒隨逐。  
T16n0665\_p0424c03(00) 眾苦惡業常纏迫，生死輪迴無息時；  
T16n0665\_p0424c04(00) 本來非有體是空，由不如理生分別。  
T16n0665\_p0424c05(00) 我斷一切諸煩惱，常以正智現前行；  
T16n0665\_p0424c06(00) 了五蘊宅悉皆空，求證菩提真實處。  
T16n0665\_p0424c07(00) 我開甘露大城門，示現甘露微妙器；  
T16n0665\_p0424c08(00) 既得甘露真實味，常以甘露施群生。  
T16n0665\_p0424c09(00) 我擊最勝大法鼓，我吹最勝大法螺，  
T16n0665\_p0424c10(00) 我然最勝大明燈，我降最勝大法雨。  
T16n0665\_p0424c11(00) 降伏煩惱諸怨結，建立無上大法幢；  
T16n0665\_p0424c12(00) 於生死海濟群迷，我當關閉三惡趣。  
T16n0665\_p0424c13(00) 煩惱熾火燒眾生，無有救護無依止；  
T16n0665\_p0424c14(00) 清涼甘露充足彼，身心熱惱並皆除。  
T16n0665\_p0424c15(00) 由是我於無量劫，恭敬供養諸如來；  
T16n0665\_p0424c16(00) 堅持禁戒趣菩提，求證法身安樂處。  
T16n0665\_p0424c17(00) 施他眼耳及手足，妻子僮僕心無吝，  
T16n0665\_p0424c18(00) 財寶七珍莊嚴具，隨來求者咸供給。  
T16n0665\_p0424c19(00) 忍等諸度皆遍修，十地圓滿成正覺；  
T16n0665\_p0424c20(00) 故我得稱一切智，無有眾生度量者。  
T16n0665\_p0424c21(00) 假使三千大千界，盡此土地生長物；  
T16n0665\_p0424c22(00) 所有叢林諸樹木，稻麻竹葦及枝條。  
T16n0665\_p0424c23(00) 此等諸物皆伐取，並悉細末作微塵；  
T16n0665\_p0424c24(00) 隨處積集量難知，乃至充滿虛空界。  
T16n0665\_p0424c25(00) 一切十方諸剎土，所有三千大千界；  
T16n0665\_p0424c26(00) 地土皆悉末為塵，此微塵量不可數。  
T16n0665\_p0424c27(00) 假使一切眾生智，以此智慧與一人；  
T16n0665\_p0424c28(00) 如是智者量無邊，容可知彼微塵數。  
T16n0665\_p0424c29(00) 牟尼世尊一念智，令彼智人共度量；  
T16n0665\_p0425a01(00) 於多俱胝劫數中，不能算知其少分。」  
T16n0665\_p0425a02(00) 時諸大眾聞佛說此甚深空性，  
T16n0665\_p0425a03(04) 有無量眾生，悉能了達四大、五蘊體性俱空，六根、  
T16n0665\_p0425a04(02) 六境妄生繫縛，願捨輪迴，正修出離，深心慶喜，  
T16n0665\_p0425a05(00) 如說奉持。  
T16n0665\_p0425a06(00) 金光明最勝王經依空滿願品第十  
T16n0665\_p0425a07(00) 爾時，如意寶光耀天女於大眾中，

T16n0665\_p0425a08(03) 聞說深法，歡喜踊躍，從座而起，偏袒右肩，  
T16n0665\_p0425a09(03) 右膝著地，合掌恭敬而白佛言：「世尊！  
T16n0665\_p0425a10(04) 惟願為說於甚深理修行之法。」而說頌言：  
T16n0665\_p0425a11(00) 「我問照世界，兩足最勝尊，  
T16n0665\_p0425a12(00) 菩薩正行法，惟願慈聽許。」  
T16n0665\_p0425a13(00) 佛言：「善女天！若有疑惑者，  
T16n0665\_p0425a14(00) 隨汝意所問，吾當分別說。」  
T16n0665\_p0425a15(00) 是時天女請世尊曰：  
T16n0665\_p0425a16(00) 「云何諸菩薩，行菩提正行，  
T16n0665\_p0425a17(00) 離生死涅槃，饒益自他故？」  
T16n0665\_p0425a18(00) 佛告善女天：「依於法界，行菩提法，  
T16n0665\_p0425a19(03) 修平等行。云何依於法界，行菩提法，  
T16n0665\_p0425a20(06) 修平等行？謂於五蘊能現法界，法界即是五蘊，  
T16n0665\_p0425a21(03) 五蘊不可說，非五蘊亦不可說。  
T16n0665\_p0425a22(09) 何以故？若法界是五蘊，即是斷見；若離五蘊，即是常見；  
T16n0665\_p0425a23(03) 離於二相，不著二邊，不可見，過所見，無名無相，  
T16n0665\_p0425a24(00) 是則名為說於法界。善女天！  
T16n0665\_p0425a25(05) 云何五蘊能現法界？如是五蘊不從因緣生。  
T16n0665\_p0425a26(05) 何以故？若從因緣生者，  
T16n0665\_p0425a27(13) 為已生故生？為未生故生？若已生生者，何用因緣？若未生生者，  
T16n0665\_p0425a28(03) 不可得生。何以故？未生諸法即是非有，無名無相，  
T16n0665\_p0425a29(00) 非校量譬喻之所能及，  
T16n0665\_p0425b01(07) 非是因緣之所生故。善女天！譬如鼓聲，依木、  
T16n0665\_p0425b02(05) 依皮及桴手等故得出聲，如是鼓聲過去亦空，  
T16n0665\_p0425b03(03) 未來亦空，現在亦空。何以故？是鼓音聲不從木生，  
T16n0665\_p0425b04(00) 不從皮生及桴手生，不於三世生，  
T16n0665\_p0425b05(03) 是則不生。若不可生，則不可滅；若不可滅，  
T16n0665\_p0425b06(02) 無所從來；若無所從來，亦無所去；若無所去，  
T16n0665\_p0425b07(00) 則非常非斷；若非常非斷，則不一不異。  
T16n0665\_p0425b08(00) 何以故？此若是一，則不異法界。若如是者，  
T16n0665\_p0425b09(00) 凡夫之人應見真諦，得於無上安樂涅槃；  
T16n0665\_p0425b10(00) 既不如是，故知不一。若言異者，  
T16n0665\_p0425b11(04) 一切諸佛菩薩行相即是執著，未得解脫煩惱繫縛，  
T16n0665\_p0425b12(00) 即不證於阿耨多羅三藐三菩提。  
T16n0665\_p0425b13(04) 何以故？一切聖人於行非行，同真實性，是故不異。  
T16n0665\_p0425b14(00) 故知五蘊非有非無，不從因緣生，  
T16n0665\_p0425b15(02) 非無因緣生，是聖所知，非餘境故，  
T16n0665\_p0425b16(05) 亦非言說之所能及，無名無相，無因無緣，亦無譬喻，  
T16n0665\_p0425b17(00) 始終寂靜，本來自空。是故五蘊能現法界。  
T16n0665\_p0425b18(00) 善女天！若善男子、  
T16n0665\_p0425b19(09) 善女人欲求阿耨多羅三藐三菩提，異真異俗，難可思量，  
T16n0665\_p0425b20(02) 於凡聖境，體非一異，不捨於俗，不離於真，  
T16n0665\_p0425b21(00) 依於法界，行菩提行。」爾時，世尊作是語已，  
T16n0665\_p0425b22(00) 時善女天踊躍歡喜，即從座起，  
T16n0665\_p0425b23(03) 偏袒右肩，右膝著地，合掌恭敬，一心頂禮，  
T16n0665\_p0425b24(03) 而白佛言：「世尊！如上所說菩提正行，我今當學。」  
T16n0665\_p0425b25(01) 是時索訶世界主大梵天王於大眾中，  
T16n0665\_p0425b26(01) 問如意寶光耀善女天曰：  
T16n0665\_p0425b27(08) 「此菩提行難可修行，汝今云何於菩提行而得自在？」爾時，  
T16n0665\_p0425b28(00) 善女天答梵王曰：「大梵王！如佛所說，  
T16n0665\_p0425b29(02) 實是甚深。一切異生不解其義，  
T16n0665\_p0425c01(07) 是聖境界微妙難知。若使我今依於此法得安樂住，  
T16n0665\_p0425c02(03) 是實語者，願令一切五濁惡世無量無數無邊眾生，  
T16n0665\_p0425c03(00) 皆得金色三十二相，非男非女，  
T16n0665\_p0425c04(03) 坐寶蓮花，受無量樂，雨天妙花，

T16n0665\_p0425c05(07) 諸天音樂不鼓自鳴，一切供養皆悉具足。」時善女天說是語已，  
T16n0665\_p0425c06(00) 一切五濁惡世所有眾生皆悉金色，  
T16n0665\_p0425c07(03) 具大人相，非男非女，坐寶蓮花，受無量樂，  
T16n0665\_p0425c08(02) 猶如他化自在天宮，無諸惡道，寶樹行列，  
T16n0665\_p0425c09(02) 七寶蓮花遍滿世界，又雨七寶上妙天花，  
T16n0665\_p0425c10(02) 作天伎樂。如意寶光耀善女天即轉女身，  
T16n0665\_p0425c11(02) 作梵天身。時大梵王問如意寶光耀菩薩言：  
T16n0665\_p0425c12(02) 「仁者！如何行菩提行？」答言：「梵王！  
T16n0665\_p0425c13(04) 若水中月行菩提行，我亦行菩提行；  
T16n0665\_p0425c14(05) 若夢中行菩提行，我亦行菩提行；若陽焰行菩提行，  
T16n0665\_p0425c15(00) 我亦行菩提行；若谷響行菩提行，  
T16n0665\_p0425c16(03) 我亦行菩提行。」時大梵王聞此說已，白菩薩言：  
T16n0665\_p0425c17(00) 「仁依何義而說此語？」答言：「梵王！  
T16n0665\_p0425c18(04) 無有一法是實相者，但由因緣而得成故。」梵王言：  
T16n0665\_p0425c19(02) 「若如是者，  
T16n0665\_p0425c20(13) 諸凡夫人皆悉應得阿耨多羅三藐三菩提。」答言：  
T16n0665\_p0425c21(12) 「仁以何意而作是說？愚癡人異，智慧人異？菩提異，非菩提異？解脫異，  
T16n0665\_p0425c22(00) 非解脫異？梵王！如是諸法，平等無異。  
T16n0665\_p0425c23(02) 於此法界真如，不一不異，  
T16n0665\_p0425c24(06) 無有中間而可執著，無增無減。梵王！  
T16n0665\_p0425c25(07) 譬如幻師及幻弟子善解幻術，於四衢道，  
T16n0665\_p0425c26(07) 取諸沙土草木葉等，聚在一處作諸幻術，使人睹見象眾、  
T16n0665\_p0425c27(00) 馬眾、車兵等眾，七寶之聚種種倉庫。  
T16n0665\_p0425c28(02) 若有眾生愚癡無智，不能思惟，不知幻本，  
T16n0665\_p0425c29(01) 若見若聞，作是思惟：『我所見聞象、馬等眾，  
T16n0665\_p0426a01(00) 此是實有，餘皆虛妄。』於後更不審察思惟。  
T16n0665\_p0426a02(00) 有智之人則不如是，了於幻本，若見若聞，  
T16n0665\_p0426a03(00) 作如是念：『如我所見象、馬等眾，非是真實，  
T16n0665\_p0426a04(00) 唯有幻事，惑人眼目，妄謂象等及諸倉庫，  
T16n0665\_p0426a05(00) 有名無實，如我見聞，不執為實。』  
T16n0665\_p0426a06(03) 後時思惟，知其虛妄。  
T16n0665\_p0426a07(11) 是故智者了一切法皆無實體，但隨世俗，如見如聞，表宣其事，  
T16n0665\_p0426a08(01) 思惟諦理，則不如是，復由假說，顯實義故。  
T16n0665\_p0426a09(00) 「梵王！愚癡異生，未得出世聖慧之眼，  
T16n0665\_p0426a10(01) 未知一切諸法真如不可說故。是諸凡愚，  
T16n0665\_p0426a11(00) 若見若聞行非行法，如是思惟，便生執著，  
T16n0665\_p0426a12(00) 謂以為實，  
T16n0665\_p0426a13(11) 於第一義不能了知諸法真如是不可說。是諸聖人，  
T16n0665\_p0426a14(07) 若見若聞行非行法，隨其力能不生執著以為實有，  
T16n0665\_p0426a15(02) 了知一切無實行法、無實非行法，  
T16n0665\_p0426a16(06) 但妄思量行非行相，唯有名字，無有實體。是諸聖人，  
T16n0665\_p0426a17(01) 隨世俗說，為欲令他知真實義。如是梵王！  
T16n0665\_p0426a18(00) 是諸聖人，以聖智見，了法真如不可說故，  
T16n0665\_p0426a19(00) 行非行法亦復如是，令他證知，  
T16n0665\_p0426a20(04) 故說種種世俗名言。」  
T16n0665\_p0426a21(12) 時大梵王問如意寶光耀菩薩言：「有幾眾生能解如是甚深正法？」答言：  
T16n0665\_p0426a22(02) 「梵王！有眾幻人心心數法，  
T16n0665\_p0426a23(07) 能解如是甚深正法。」梵王曰：「此幻化人，體是非有，  
T16n0665\_p0426a24(04) 此之心數從何而生？」答曰：「若知法界不有不無，  
T16n0665\_p0426a25(02) 如是眾生能解深義。」  
T16n0665\_p0426a26(00) 爾時，梵王白佛言：「世尊！  
T16n0665\_p0426a27(08) 是如意寶光耀菩薩不可思議，通達如是甚深之義。」佛言：「如是！  
T16n0665\_p0426a28(00) 如是！梵王！如汝所言，此如意寶光耀，  
T16n0665\_p0426a29(02) 已教汝等發心修學無生忍法。」  
T16n0665\_p0426b01(07) 是時大梵天王與諸梵眾，從座而起，偏袒右肩，合掌恭敬，

T16n0665\_p0426b02(01) 頂禮如意寶光耀菩薩足，作如是言：「希有！  
T16n0665\_p0426b03(01) 希有！我等今日幸遇大士，得聞正法。」  
T16n0665\_p0426b04(00) 爾時，世尊告梵王言：「是如意寶光耀，  
T16n0665\_p0426b05(02) 於未來世當得作佛，號寶焰吉祥藏如來。應。  
T16n0665\_p0426b06(01) 正遍知。明行圓滿。善逝。世間解。無上士。調御丈夫。  
T16n0665\_p0426b07(00) 天人師。佛。世尊。」說是品時，  
T16n0665\_p0426b08(05) 有三千億菩薩於阿耨多羅三藐三菩提得不退轉，  
T16n0665\_p0426b09(01) 八千億天子、無量無數國王臣民遠塵離垢，  
T16n0665\_p0426b10(00) 得法眼淨。  
T16n0665\_p0426b11(00) 爾時，會中有五十億苾芻，行菩薩行，  
T16n0665\_p0426b12(02) 欲退菩提心，聞如意寶光耀菩薩說是法時，  
T16n0665\_p0426b13(01) 皆得堅固不可思議滿足上願，  
T16n0665\_p0426b14(05) 更復發起菩提之心，各自脫衣供養菩薩，  
T16n0665\_p0426b15(04) 重發無上勝進之心，作如是願：  
T16n0665\_p0426b16(09) 「願令我等功德善根悉皆不退，迴向阿耨多羅三藐三菩提。」  
T16n0665\_p0426b17(02) 「梵王！是諸苾芻，依此功德如說修行，  
T16n0665\_p0426b18(03) 過九十大劫，當得解悟，出離生死。」爾時，  
T16n0665\_p0426b19(03) 世尊即為授記：「汝諸苾芻過三十阿僧祇劫，  
T16n0665\_p0426b20(01) 當得作佛，劫名難勝光王，國名無垢光，  
T16n0665\_p0426b21(02) 同時皆得阿耨多羅三藐三菩提，皆同一號，  
T16n0665\_p0426b22(01) 名願莊嚴閻飾王，十號具足。「梵王！是《金光明》  
T16n0665\_p0426b23(00) 微妙經典，若正聞持，有大威力。  
T16n0665\_p0426b24(04) 假使有人於百千大劫，行六波羅蜜無有方便；  
T16n0665\_p0426b25(01) 若有善男子、善女人書寫如是《金光明經》，  
T16n0665\_p0426b26(01) 半月半月專心讀誦，  
T16n0665\_p0426b27(10) 是功德聚於前功德百分不及一，乃至算數譬喻所不能及。梵王！  
T16n0665\_p0426b28(01) 是故我今令汝修學，憶念受持，為他廣說。  
T16n0665\_p0426b29(01) 何以故？我於往昔行菩薩道時，  
T16n0665\_p0426c01(05) 猶如勇士入於戰陣，不惜身命，流通如是微妙經王，  
T16n0665\_p0426c02(00) 受持讀誦，為他解說。梵王！譬如轉輪聖王，  
T16n0665\_p0426c03(00) 若王在世，七寶不滅，王若命終，  
T16n0665\_p0426c04(05) 所有七寶自然滅盡。梵王！是《金光明》  
T16n0665\_p0426c05(07) 微妙經王若現在世，無上法寶悉皆不滅，若無是經，  
T16n0665\_p0426c06(03) 隨處隱沒。是故應當於此經王，專心聽聞，  
T16n0665\_p0426c07(03) 受持讀誦，為他解說，勸令書寫，行精進波羅蜜，  
T16n0665\_p0426c08(01) 不惜身命，不憚疲勞，功德中勝，  
T16n0665\_p0426c09(04) 我諸弟子應當如是精勤修學。」  
T16n0665\_p0426c10(00) 爾時，大梵天王與無量梵眾，帝釋、  
T16n0665\_p0426c11(04) 四王及諸藥叉，俱從座起，偏袒右肩，右膝著地，  
T16n0665\_p0426c12(02) 合掌恭敬而白佛言：「世尊！  
T16n0665\_p0426c13(08) 我等皆願守護流通是《金光明》微妙經典，及說法師若有諸難，  
T16n0665\_p0426c14(01) 我當除遣，令具眾善，色力充足，辯才無礙，  
T16n0665\_p0426c15(01) 身意泰然，時會聽者皆受安樂。所在國土，  
T16n0665\_p0426c16(01) 若有飢饉、怨賊、非人為惱害者，  
T16n0665\_p0426c17(06) 我等天眾皆為擁護，使其人民安隱豐樂，無諸枉橫，  
T16n0665\_p0426c18(02) 皆是我等天眾之力。若有供養是經典者，  
T16n0665\_p0426c19(02) 我等亦當恭敬供養，如佛不異。」  
T16n0665\_p0426c20(00) 爾時，  
T16n0665\_p0426c21(15) 佛告大梵天王及諸梵眾乃至四王諸藥叉等：「善哉！善哉！汝等得聞甚深妙法，  
T16n0665\_p0426c22(01) 復能於此微妙經王發心擁護及持經者，  
T16n0665\_p0426c23(01) 當獲無邊殊勝之福，速成無上正等菩提。」  
T16n0665\_p0426c24(02) 時梵王等聞佛語已，歡喜頂受。  
T16n0665\_p0426c25(00) 金光明最勝王經  
T16n0665\_p0426c26(08) 四天王觀察人天品第十一  
T16n0665\_p0426c27(00) 爾時，多聞天王、持國天王、增長天王、

T16n0665\_p0426c28(02) 廣目天王，俱從座起，偏袒右肩，右膝著地，  
T16n0665\_p0426c29(02) 合掌向佛，禮佛足已，白言：「世尊！是  
T16n0665\_p0427a01(06) 《金光明最勝王經》，一切諸佛常念觀察，  
T16n0665\_p0427a02(07) 一切菩薩之所恭敬，一切天龍常所供養，及諸天眾常生歡喜，  
T16n0665\_p0427a03(00) 一切護世稱揚讚歎，聲聞、獨覺皆共受持，  
T16n0665\_p0427a04(01) 悉能明照諸天宮殿，能與一切眾生殊勝安樂，  
T16n0665\_p0427a05(00) 止息地獄、餓鬼、傍生諸趣苦惱，  
T16n0665\_p0427a06(05) 一切怖畏悉能除殄，所有怨敵尋即退散，  
T16n0665\_p0427a07(06) 飢饉惡時能令豐稔，疾疫痛苦皆令蠲愈，  
T16n0665\_p0427a08(07) 一切災變百千苦惱咸悉消滅。世尊！是《金光明最勝王經》  
T16n0665\_p0427a09(01) 能為如是安隱利樂饒益我等，  
T16n0665\_p0427a10(04) 惟願世尊於大眾中廣為宣說。我等四王并諸眷屬，  
T16n0665\_p0427a11(00) 聞此甘露無上法味，氣力充實，增益威光，  
T16n0665\_p0427a12(00) 精進勇猛，神通倍勝。世尊！  
T16n0665\_p0427a13(07) 我等四王修行正法，常說正法，以法化世，我等令彼天、龍、  
T16n0665\_p0427a14(01) 藥叉、健闥婆、阿蘇羅、揭路茶、俱槃茶、緊那羅、  
T16n0665\_p0427a15(01) 莫呼羅伽及諸人王，常以正法而化於世，  
T16n0665\_p0427a16(00) 遮去諸惡，所有鬼神吸人精氣無慈悲者，  
T16n0665\_p0427a17(01) 悉令遠去。世尊！  
T16n0665\_p0427a18(11) 我等四王與二十八部藥叉大將，并與無量百千藥叉，  
T16n0665\_p0427a19(07) 以淨天眼過於世人，觀察擁護此瞻部洲。世尊！以此因緣，  
T16n0665\_p0427a20(00) 我等諸王，名護世者。又復於此洲中，  
T16n0665\_p0427a21(02) 若有國王被他怨賊常來侵擾，及多飢饉，  
T16n0665\_p0427a22(03) 疾疫流行，無量百千災厄之事。世尊！  
T16n0665\_p0427a23(05) 我等四王於此《金光明最勝王經》恭敬供養，  
T16n0665\_p0427a24(05) 若有苾芻法師受持讀誦，我等四王共往覺悟，  
T16n0665\_p0427a25(03) 勸請其人。時彼法師由我神通覺悟力故，  
T16n0665\_p0427a26(03) 往彼國界廣宣流布是《金光明》微妙經典，  
T16n0665\_p0427a27(03) 由經力故，令彼無量百千哀惱災厄之事悉皆除遣。  
T16n0665\_p0427a28(00) 世尊！若諸人王於其國內，  
T16n0665\_p0427a29(06) 有持是經苾芻法師至彼國時，當知此經亦至其國。世尊！  
T16n0665\_p0427b01(00) 時彼國王應往法師處，聽其所說，  
T16n0665\_p0427b02(03) 聞已歡喜，於彼法師恭敬供養，深心擁護，  
T16n0665\_p0427b03(03) 令無憂惱，演說此經利益一切。世尊！以是經故，  
T16n0665\_p0427b04(00) 我等四王皆共一心護是人王及國人民，  
T16n0665\_p0427b05(01) 令離災患，常得安隱。世尊！若有苾芻、苾芻尼、  
T16n0665\_p0427b06(00) 鄔波索迦、鄔波斯迦持是經者，  
T16n0665\_p0427b07(04) 時彼人王隨其所須，供給供養，令無乏少，  
T16n0665\_p0427b08(04) 我等四王令彼國主及以國人，悉皆安隱，遠離災患。  
T16n0665\_p0427b09(00) 世尊！若有受持讀誦是經典者，  
T16n0665\_p0427b10(04) 人王於此供養恭敬，尊重讚歎，  
T16n0665\_p0427b11(09) 我等當令彼王於諸王中，恭敬尊重，最為第一，  
T16n0665\_p0427b12(07) 諸餘國王共所稱歎。」大眾聞已，歡喜受持。  
T16n0665\_p0427b13(00) 金光明最勝王經卷第五

引自CBETA：http://www.cbeta.org/result/normal/T16/0665\_005.htm